

中華民國
政府印

●國民政府令

此次宋哲元背叛黨國作亂稱兵政府討伐叛逆旬日以來迭據前方電告克復要區殲滅逆軍主力廓清掃蕩指顧可期實深嘉慰第五路總指揮唐生智第八軍軍長劉興於逆軍猛攻登封及黑石關之際督戰有方堅守陣地俾中央各翼軍從容作戰懋建殊勳第四十八師師長徐源泉當宋逆以全力六師之衆猛撲臨汝鎮二次奮勇先驅摧陷強敵我左翼軍陣况因以發展克奏膚功第四十七師師長王金鈺旅長上官雲相於逆軍嚴守參駕店之際挺進作戰以寡勝衆於戰局影響甚鉅均屬忠勇奮發爲國宣勞唐生智劉興徐源泉王金鈺上官雲相均著傳令嘉獎徐源泉並加陸軍上將銜以勵勳績其餘出力官長士兵均著查明分別呈請優獎傷亡官兵併應查明優予撫恤所冀諸將士本此聲威雷霆奮迅肅清殘逆奠定邦基有厚望焉此令

中華民國十八年十一月十九日

中華民國
政府印

●國民政府訓令 第一二四號

令軍政部

爲令飭事案據本府文官處簽呈稱准中央執行委員會祕書處函爲廣東省執行委員會呈爲航空先烈楊仙逸於十二年奉

總理命出發惠州師次梅湖是年八月十日炸彈失慎以身殉難擬請將楊先烈殉難日列爲革命紀念日之一日以彰有功請核示一案應由政府酌辦函請查照轉陳核辦等由准此理合簽呈鑒核等情附原函原呈各一件據此經提出本府第五十一次國務會議決議楊先烈仙逸殉難日應定爲中國航空界之紀念在案除飭處函復外合行抄發原件令仰該部轉飭遵照辦理此令

計抄發原函原呈各一件

中華民國十八年十一月十八日

中華民國
國民政府
政府印

●國民政府訓令 第一二一六號

令軍政部

爲令知事查國軍編遣委員會海軍編遣辦事處條例及人員編制表前經制定公布在案茲將該項編制表酌予修正明令公布應即通飭施行除分令外合行抄發修正表一份令仰知照並轉飭所屬一體知照

軍政公報第二十六號目錄

法規

軍隊教育令續第二十五號

命令

(一) 府令

任免令五件

令一件

訓令軍政部

為第五十一次國務會議決議楊先烈仙逸殉難日應定為航空界之紀念仰轉飭遵照辦理由

訓令軍政部

為抄發修正國軍編遣委員會海軍編遣辦事處人員編制表仰知照並飭屬一體知照由

(二) 部令

(1) 任免令五件

(2) 訓令

令本部陸軍署

為據該署屬官李秉南呈請保送日本士官學校留學現奉 國府訓令本年度暫行停止考試仰轉飭知照由

令本部各署廳
京各軍事機關

為重申前令嗣後軍人乘車須照章給費以維路政仰遵照並飭屬一體遵照由